

書 雜著 序 記 跋 說

銘 上 祭 祝 行 附  
樑 文 文 狀 錄

海峽集地

集三







海菴先生文集卷之三

書

答李孟實

宗熙

非責不容之示還甚未安吾於足下不以直信告語  
反以裝護文飾豈其道理邪且談經講理尤當切磋  
而前書有上下小註分明誤錄之語大不是所望  
於愛惜欲救其偏處故耳豈有他哉大抵人之通患  
不嫌已意之不合古人反嫌古人之不合已意往往  
有未滿前人之意故朱子每言虛心平氣爲讀書者  
第一要法若果於此吝而不草則雖吾千言萬語將





與誤錄等一般看去何以動足下之聽聞耶前書不暇言鬼神者以此顧足下勿以訝也夫鬼神陰陽也不曰陰陽而曰鬼神者取其屈之伸之仁理而言鬼神也其屈也實然其伸也實然實屈實伸乃所謂鬼神之德而德不在鬼神之外也河東侯氏以隔壁之見誤者鬼神與德分而二之至謂鬼神之德則誠也鬼神乃形而下之器也朱子辨之曰如中庸之德不成說中庸形而下中庸之德形而上也以此推之中庸非氣乃理也鬼神非氣乃理也何可外鬼神而論其德也邪今世之或言鬼神與德分以爲二者蓋源



於侯氏之錯看而足下左有甚焉其曰誠者不過發  
明鬼神之德耳以然之本也又曰德爲此章之主誠  
爲此章之客向者侯氏鬼神與德分而二之今足下  
誠與德分而二之以足下說合侯氏說而觀之則鬼  
神是一物德是一物誠亦是一物若是則鬼神一章  
並三物也二之者猶不免朱子之責况三之乎足下  
又以費隱之說證之曰鬼神之費隱當於道上看耶  
氣上看耶槩知足下之意以費隱作氣上看久矣無  
怪乎鬼神主氣之論也又云中庸一書統而言之雖  
曰理爲主而分而言之如鬼神章分明是氣爲之主



搭

也足下之論中庸恐未審矣鳶飛魚躍非不知爲氣而特拈飛躍處看費隱之理則陰陽上看屈伸之理曰鬼神則獨不得爲主理之論耶無氣則理不得行故凡於論理處皆就氣上言捨其氣而理何處割得來邪足下但知陰陽之氣而不知陰陽氣上有屈伸之理至以鬼神一章主氣而言然鬼神只是屈伸之名主理而言故不曰陰陽而又言爲德之盛也切願足下更於三十三章熟讀深究以口翫味則視不見聽不聞之鬼神洋洋乎心目之間不待祭祀而知其情狀矣如何如何



答李孟實

示來鬼神說足下用功必濶而終不無未安未知平  
日師門頂鍼或未之盡到否來論云陰陽合散無非  
實理而必曰實者則其微意之重在氣上可知也感  
意據此實者而知微意之重在氣上否抑未知實字  
元來是氣邊字否又云章下以費隱二字結之則此  
章之不外乎氣亦可見矣感意費隱二字亦不外乎  
氣上來否又云上段小註有曰鬼神之德言鬼神實  
然之理下段小註有曰誠字指鬼神實理此可謂主  
理之證而小註之說終始未安分明是記錄之誤也



未知足下何由知記錄之誤也耶大抵爲學之方只是篤信師說而已今吾與足下生於朱子後幾千載之下不肯篤信師說輒生疑貳至謂記錄之誤若不洞草此等病痛難以讀聖賢書矣此正吾人最初戒謹用工處也所以朱子每於門人知舊之間動稱虛心平氣四箇字據此四字而用力焉則便是療治之良方也足下誠能拈此實心著工則上段小註下段小註誤錄之疑自然打疊而方可語上矣文義問一時未解何足爲病也邪且夫訓詁者解經文本義也小註者釋訓詁餘意也一誤看小註則訓詁亦誤也



一誤看訓誥則經文亦誤也如此轉展錯看去了則子思子失傳之憂其將安在哉要願虛心平氣即於訓誥註脚上著工夫以至於信得及也

答金國明

鎮奎

承款已一年矣居常瞻詠謂外獲拜惠書滿幅繾綣不下於一場穩討感服曷勝謹審至寒侍復連衛祿多小疾病老而益甚奈何海上事吾林之慶孰大於是耶然所居窮僻相距甚闊聞在最後鄙族全門無一人往參其同慶之地殊極愧悚但金領咸聚濟濟駿奔是何等盛事而物論却欠和合之意云是吾



嶺中大圻迫處歎咄何極令堦君才志俱不草二鄙  
門町期待者安知不由於初出入聞見邪

答金國明

令胤來奉惠音悅若夏討審靜裏省討老而不撤者  
得義理精實甚慰所望示中絜矩之義橫者直者野  
見不同各說已見愈紛而愈晦去聖人愈遠讀書之  
病今古無異良可歎也夫矩所以為方之器也舍圓  
取方者欲知上下四方六面之心也六面之心初無  
彼此之異故孝慈之政於是大行然絜矩二字行恕  
之大準則也先設吾心於上下四方之上然後可以



行恕也是知矩者在內之心也。絜者在外取則之事也。然則矩先於絜可乎？絜先於矩可乎？以此推之，兩字之先後輕重不難釋矣。

答李士晦

澤堂一晤，徒增夢想。謂外惠存義，意諄複，益見謫光以吾兄之才識，又能知伯玉之非自今以往，何難做得十分人。邪？古人之忍飢讀書，豈有別般道理耶？飢者人所厭苦，而惟其所好，足以忘飢，故謂之忍飢讀書耳。所謂忍讀，非有別方，只在我所好之如何耳。顏淵之不改其樂，豈不知屢空之可苦，而誠心所好，故



屢空之苦不能奪其所樂也示中蓋棺之語最好任  
重道遠死而後已吾兄自悼前日之浪度詩以詠之  
書以明之其意堅矣其言切矣因此牢守却到蓋棺  
之日則吾兄之壽者吾未知幾何而自今至死皆好  
日也豈不休哉晴院一會只是古人卷上一番效嘆  
無足可道而好事者傳之過矣然吾儕幾人而如吾  
兄者不得同時進退烏得免少一之憾耶關東詩盡  
得尊詩而丹青益煥為賜厚矣尾示五律語意親切  
尤可見猛省處為慰為慰以此加勉無負知舊之望  
也拙詩雖欲效之原來鈍根不成格式勿令外人看



也

與姜伯錄 鑑

校齋忝任得與執事同列意謂因此而源仁於明倫  
講學之席獲伸居索之懷矣事與心違尚此未遂瞻  
詠尤切即日齋候若何永祿五年貞疾每在心腹恒  
居一似偶人樣而已惟是一念釋省舊愆山積其間  
最爲難掩者莫如今日虛帶校任之爲大也第以私  
分言之自托讀書之虛名殆近三十年未嘗歛衽趨  
衣於聖師賢弟姐豆之地怵惕慚惶無以爲辭安敢  
望僉尊之恕諒耶惟冀享禮利行起居珍重不宣



答河涼

春初李謹五歷八袖致老兄詩箋一幅奉讀母四心  
目俱清即當修謝而連汨病事且失便因稽至今日  
愧恨何極不審庚炎起居增休松亭風味此時毛爽  
既濤且慰永祿四年貞疾與寒俱謀精神志氣日以  
放下龜縮山廬無一惊悚可聞竊惟老兄體力康健  
又得名區烟霞朝暮偃仰其間溫理古書是何等樂  
事耶徒切欽羨近來又有大坪來往而多聞好箇消  
息否母恨生並一世未承一言之教只增慕庸之私  
而已感囑松亭韻本不閑於詞律而近又因病廢閣



雖欲效頻又安可得邪不勝愧寤

答姨弟黃濟普

謂外一老卒歷致手滋愧若對討欣喜曷勝仍審族  
况珍重服人一味打乖無足遠聞但前年水災移寓  
梓川齋舍居處甚窄迫是亦老年苦狀奈何所托狀  
草素不閒於此等文字而爲吾母氏兄弟豈敢以不  
文辭略草笥之感索忽至故不暇校正使兒輩寫出  
生紙不成模樣姑俟日後更當精寫呈去耳慎齋集  
題目此等義理何敢妄率以對耶然來意似是出於  
君之私問故吾亦以私答之君亦聞而和之可也大



抵先輩之在世做文字例皆言草稿雜稿云者只是  
謙已不自大之意也至若武陵雜稿亦似先生在世  
做文字時自題之稱而昔日登梓時未知緣何而仍  
舊題目也然今若不忍捨古題而又不敢不尊尚之  
氣彌愼齋先生武陵雜稿則非但題目之張皇恐非  
後輩所以為先生謀也鄙見如此安知其必是也惟  
在道論之如何耳君之友旆似在七月間歸路一過  
以叙此老夫懷緒

書末已刊之題不可改云者或似然矣然念昔張  
子作東西銘而題其名曰訂頑之愚及到程子以



之以東西若舊號而不可改易則程子必不爲也  
並照此等事而諒處也

答姨弟黃濟普

洪妹之喪不勝驚悼且無一箇遺血並沒其跡以君  
友愛之深哀痛慘怛烏得不如示邪仍審服履珍重  
良慰姨從衰年病情日有所虧有若磨刀石况今炎  
天經過只近一息耳餘何可聞三國誌聞欲熟看云  
凡事熟之爲貴矧文字耶但外書頗不有益於儒者  
分上亦當斟酌不可使一向好著也令季文藝漸進  
將有來頭之望殊極佳尚幸征邁交勉無墜家聲也



答李汝雷 震相

苦寒病伏竇絨忽墜兼以理說令人發省謹審堂上  
氣候康旺侍履起居珍相向者水石叢裏所得甚多  
所送講說都是理到語也足下見識如是精切令人  
起敬者多爲之奉喜竊二永祿長夏泄病因秋少甦  
可幸山亭之會仲附令公勸教可感而旬前有吊行  
其歸似在念間更尋楓菊時爲之一會否講說念其  
孤陋敢陳條例幸賜一覽

別紙 心經疑義

心者吾身之大本也其體渾然一原其發聚散



路而或生於氣或原於性何歟夫自流行處橫看則從氣從理之脉絡固自瞭然而從大原上豎看則理常為主而氣爲其機發者理也發之者氣也初非兩頭相對而兩歧各出也彼從倒看硬將逆推處爲始者固不足言若又主橫看而更不豎看則大本不一實非朱退之本旨也蓋橫看者立論於既發之後豎看者著眼於纔發之際恐不可自此而疑彼也

橫看豎看之說恐似未瑩非淺見所可剖析而但發者理也發之者氣也之說似倒說



朱子論人心道心嘗三變其說至中庸序始定則已變之舊說在當廢而附註之際無收並采兩存其說何也請一七指的某爲初說某爲定論

人心人欲自是伊川說而朱子曰是也蓋所謂人欲之欲只是飢欲食寒欲衣之欲固人所不能無之欲而如或不干義理則方是危矣只如此看則何妨之有哉故曰固是也但恐後生末學者文字不同而有淡者淺看之別若使淡者欲字而謂之人心即人欲云爾則語却有病若曰上智不能無人心則可而上智不能無人欲則不可也所以中庸序只著形氣之



私云爾然後可以杜後世疑案而無病附註耶以兼收並采矣

第一章無貳與敬箴之勿貳同歟心上工夫主一無要故此以無貳係之於精一之次歟

無貳之無奉信天理自無疑貳之意也勿貳之勿主一無適之功也同異自可知也疑貳則便不得做精一故係之於此來說是

第三章屋漏本指日光漏入之處而只管幽隱上說恐有未盡愚意則不愧之端直由於鑒時之明而其地則最真其時則所獨不害爲幽隱



舉一室而言。獨隱處莫如日光漏入之地。故特言屋漏。然幽隱奚止於屋漏。對人言亦有人所不知之幽隱。何以曰宜由於霎時之明哉。

程子以不之東不之西爲中。不之此不之彼爲內。語似未瑩。不東不西非無適。非中之義。不此不彼非制外養內之要。當作如何看。無病歟。

當西而不之東。當東而不之西。爲中。只是處物上主一也。當此而不之彼。當彼而不之此。爲內。只是存心上主一也。而不之東不之西。乃不之此不之彼者之所爲也。如此看。則所謂自然天理明而無病耶。然此。



條未曾破見而只以臆說已見似未安

敬意思卑屈恭意思尊嚴又有恭似低頭敬似擡頭敬有堅強意恭有柔與意之說何也

敬工夫細密故似卑屈如心欲小之謂也恭氣象濶大故似尊嚴如威可畏儀可象之謂也

方外是制事之宜屬行精義是窮理之名屬知引此以明敬為義本之旨何歟

精義乃窮理已上極深研幾之謂也今日窮理之名似不著當

好學論言五性之發處還四端獨稱七情何歟舉



七情而四端包在其中而然歟朱子克齋記仁說  
小學題辭並只舉四端則此論之獨舉七情必有  
精義且言其中動而七情出焉則其中性歟氣歟  
愚意則理動而氣夾之也非指發於氣之橫底如  
何

四端純善七情或善或不善好學者在乎善惡之  
省察焉乃時以為學也故言七情在既於益蕩處在

當加謹之意也其他諸說只從善一邊言之故只言  
四端而四端已包乎七情矣所謂其中動而七情出  
焉者蓋中者理也動者氣也來論言理動而氣夾者



似糊塗

發昏中節方謂之和則七情之內六者中節而一者不中便不可謂之和歟

一事中節一事之和二事中節二事之和若育物之和則非一兩和之即可致也

發揮就經中移易魚我所欲章次序何意

魚我所欲章舊本在飢者甘食章下三篇之末而無承上接下之旨故今乃移易於山木章之次則其良心之萌貫通於羞惡之本心而尤切於熊魚取舍之間其移易之功大矣



吳氏以敬箴八章爲心不能無適之病然纔說萬端似是二三之積也九章爲事不能主一之病然纔說天壤似是西北之懸也抑朱子本自互說而吳氏分得較碎否

不能無適則其弊也私欲萬端萬端言雜也不能主一則其害也天壤易處易處言懸絕也但乘上二三之數作萬端之萬推上東西之殊作天壤之壤則作者之意似不必如是之巧矣

程允夫以道問學名齋而朱子易之以尊德性是隨病救藥之意否西山此篇以尊德性銘終焉果



出於揅末學口耳之弊否

來說然

答李汝雷

承書有日謹問堂上氣力何如侍彩增重否永祿向  
時商山客裏添泄幾危幸無事到家矣所示諸条只  
略陳已意未知合乎高明意否

別紙

太極動而生陽靜而生陰則動是太極之動靜是  
太極之靜而圈傍不言動陽靜陰而直曰陰靜陽  
動何歟朱子之解此圖必曰太極動而陽靜而陰



則又初無異於圖說矣圖說之解曰是天命之流行曰誠之通誠之復皆指太極動靜而其下曰太極本然之妙動靜所乘之機又分言何歟釋此者曰動靜者陰陽所乘者太極而機即氣之變名或曰動靜是太極之體用所乘是陰陽機與幾同義何者爲得

陰陽者兩儀所以立也動靜者陰陽所以流行也不曰動陽靜陰而直曰陰靜陽動者主兩儀而言也太極本然之妙理動靜所乘之機氣也非其機無以見其妙所謂分不分合不合者此也動有動之機靜有靜之機



靜之機焉若以動靜言體用則動是用靜是體若以動靜為太極之體用則恐未安

動靜豎對之名歟橫對之名歟豎對則動時無靜靜時無動橫對則動靜雙行陰陽並峙將何看得否以太極陰陽之動靜比併於人心發未發之際詳細下示伏望動靜言機陰陽言器機器具名必有其由

陰陽動靜以位言則對待以行言則無端豈有待對並行之陰陽耶不偏不倚渾然在中非太極耶幾於感物非陰陽耶事去斯損非食靜耶靜極之中稱陽



纔始動極之中釋陰纔萌當此之時機字是當動根漸大已成其煖仁者陽之成也靜根漸乾已成其寒寒者陰之成也當此地頭器字是當機器二字各有攸當古人下字之精從此可睹

答李震沅中庸問目

勿齋云精一執中皆是動時工夫看來一不無存養意中不可捨體說勿齋說得無未穩歟

精之工在危微之間一之工在允執之地中便在格處物之上勿齋言動時工夫者有何疑哉

虛靈知覺若分體用則虛靈體也知覺用也一說



謂虛靈知覺各兼體用

虛靈知覺不可分看於末已發虛靈合理氣而有是知覺故謂之虛靈各兼體用恐是

本心之正即性命之正也道心既曰性命之正則惟一不當曰守性命之正而變文曰守本心之正者何也

性命只是理無所作爲者也本心宰乎事物者也宰乎事物則易失故特言守

得有所考以續夫千載不傳之緒得有所據以斥夫二家似是之非所考以何所據據何



考其危微續千載之不傳據此中正斥二家之似是  
氣生於理仁爲之主則是乃理氣先後而雖氣以  
成形非氣自成實有理爲主而使之成則依舊是  
理先氣後也雖在稟賦之後似不可謂氣先理後  
也未知如何

理爲主而使之成者自是稟受以前事稟受以後  
則氣聚處理假載之此非氣先理後耶

存養涵養分以言之則存養似屬靜涵養似通  
動靜未知如何

存養涵養皆可言通動靜不可言分動靜



第三章先儒云此以中庸之道言論語以中庸之  
德言故無能字此章若以道言非以德言則章句  
何不曰中庸之道爲至而必曰中庸之德爲至也  
子思加著能字語意在可易曉格庵趙氏曰子思彙  
括其意亦似然矣

張子曰鬼神者一氣之良能良能是理之自然而  
朱子云良能是其靈處靈字似兼氣說未知如何  
靈字非獨理也兼氣說爲是理氣妙合處便是靈  
十八章章句引詩云至于太王實有剪商之志蓋  
後人推本王跡所起非太王實有剪商之志而論



語集註太王有剪商之志而泰伯不從太王之時  
商道未衰天命未絕而以太王之聖焉有剪商之  
志於天命未絕之時乎志字義未瑩

太王剪商之志非如後世之養兵訓民也只是欲傳  
有為之子故曰剪商之志也

答姨弟黃同輔

知夏課於玉院鍊得幾許文字貧病吾儕之通患無  
足爲念而弟聞君有進就之望心獨喜焉每誦彼以  
其富我以吾仁之句以爲吾君恁地上工夫果能無  
愧乎彼者乎不得合席論此可恨



答姨弟黃同輔

承審愼節彌留不勝驚慮調病之道惟在操心古人云以道療病道豈外乎吾人本源地也耶十分愼攝也凡物皆有分定况人生百年憂樂豈無前定邪但其間處之亡善各在其人尊必默會矣

與姨弟黃同輔

邇來省讀何書味著何地每爲之憧憧而無緣詳聞良亦可歎姨兄今年已七十有五雖無中間所得考其年則不爲不多矣知舊年輩之化去者已多十分而寂寞空齋不勝踴躍新進才英宜視此爲戒循若



具工於少壯時節也。藏園老兄精力素強，想不至如是癯廢矣。

答黃道吉 在昌

玄孫承重而中間孫曾孫妻之從服與否，此是吾人慮未到底起疑者。從此而可知尊哀之讀禮精詳推衍甚廣，令人欽服。然此等禮說，宜有先輩可攷之說。而鄙中書冊不備，未之得見，豈敢以後生末學未逮之管見妄犯汰武之誅。然吾於哀亦不可以尋常朋友一例也。夫玄孫承重，則玄孫之曾祖母者當服其夫之從服而禮所謂所從雖沒亦服者，此也。其下玄



孫妻則其夫已爲承重矣其妻不得不服見在之從服矣中間兩世之婦則處之若何似不得不從夫之本服而已大抵承重服變禮也非常服也高祖之服齊衰五月乃正服也祖父之服齊衰其年亦正服也爲其夫黨服則又降一等夫之曾祖降服緦夫之祖降服大功禮律甚明今以孫曾孫之妻而論之其夫不幸早世昏不得爲承重繼世之孫則未亾人情當倍悲痛且爲人妻而從夫是大義也雖不敢從夫變節之承重而豈忍不從夫之正服耶曾祖則當從齊衰五月其夫之正服祖父則當從齊衰其年亦從其



夫之正服恐似可矣如是則玄曾孫四代之妻一是皆以從夫服而已婦人之三從大義舍從夫而何歸哉若有衆孫婦則當有夫黨本服祖以大功曾祖總而已今爲此說者非專以禮許人也直以假誤之言只講其理而已豈以不敢有所諱於讀禮之下

答金南輝

箕應

慈際獲書荷感曷勝未審省履珍勝祿依昔慣仁無足奉聞近看朱子贈林熙之詩曰明仁直指吾家路莫認並州作故鄉今之爲士者捨並州歸故鄉蓋鮮矣而又不知家路之在何方浮仁者遊於四方莫知



其向沉沉者汨於卑近莫覺天日之高身不離於並  
州可勝歎哉幸望早早回駕尋得家路無愧天地之  
有吾身也千萬切祝近草朱子詩序留之案上故  
並錄呈辛一覽焉浩然吟意却好但涵養工夫豈  
獨聖人也有爲者亦若是耳

答申性元

濂

問目

喜怒哀樂章七情之中不言愛惡欲而只言喜怒哀  
哀樂者以其省文否以有輕重取舍之義我否言七  
情而不言四端者抑何義歟

情之有七人人所同雖不列書而愛惡欲之情已具



於喜怒哀之中豈以輕重取舍於其間哉不言四端者  
是七情之苗脉故四端已具於言七之中

答族弟士瑜

永瑗

問目

中庸始終一天字而大學則獨無終始妙合之意  
中庸主乎明道故散殊於中大學主乎行道故推極  
於終時以具也然大學以義利二字終之而義者明  
德之所以明也利者明德之所以昏也則二字結累  
豈不暗合於明德之旨耶且與孔子論義論利之說  
孟子何必曰利亦有仁義之說先後相應

大學傳之三章固所以論綱領而本末章亦可曰



細領乎

本末是結三綱領意之語則自該於綜論之中矣

答堦君孫洛玄

竭龜問目

男子不絕於女子之手婦人不絕於男子之手云云

男女有別天地之大義也大倫也正終之地豈可混而無別不愼其終耶曾子曰吾何求哉得正而終今使大歸之人得正而終焉者是乃相愛之義也

為人後者之子又出繼於人則本生之本生服云云



為人後者之子又出繼於人則雖若疊出其義則只是無二本之一義也只是一等之降而已豈有二壓三宗疊亡相降之理哉夫降服之法義同則雖各出不升降義異則各伸其義故不得不升降耳

題主奠祝始用主喪者名止初虞始有沐浴降

獻云二

題主奠奠而非祭也始未成神道故奠而不祭祝雖書顯考孝子之稱只是爲題主告辭而已不成祝式虞祭之前執禮者代行宜矣及以虞易奠然後孝子主之禮也



曾玄孫爲曾高祖母服承重者其五六世祖親盡  
埋安則其耐死施於何處云云

紙榜行事而紙面當書主喪者屬稱

期親曾王考婦拙高公嘗言自我爲始廢卒哭後  
耐祭當於神主入廟時告由云云

此一節表遺訓遵數世則不必問人如欲復設此禮  
卒哭既論時矣抑從殷人歟

承重者之妻從服條退潯先生有二說云云

承重妻從服條退溪之言果有三說前一條姑在則  
不可從服之意後二說皆云曾玄孫妻固常有從服



之義云沙溪南溪兩家皆以退溪後說爲定論近世  
一士友家有孫承重者而其妻不從服以爲姑在從  
服故在下壓而不服云亡夫禮云祖不壓孫姑不壓  
婦何謂祖不壓孫孫之重父無異祖之重父故使孫  
得伸其斬何謂姑不壓婦婦之從夫無異姑之從夫  
故使婦得伸其服此乃禮家大義而今人誤者姑在  
否一句語不知以尊服卑之常制而動禰此句爲正  
諫之盾及辭窮則曰南中先輩云云將使南中後生  
欲從已言也以此爲一場往復而止尊不適及故謾  
說已陳之語以寄之



祧遷於長房禮也若只有庶曾孫庶玄孫則將遷  
奉於其房否抑權安於宗子之別室歟

嫡庶雖有等庶之孫亦有服孫也所以程子言庶孽無  
不可奉祀之義我遷之其房亦何不可耶若宗子之別  
室實無義意耳

五世祖神主祧盡將埋安而若六世祖尚奉於他  
長房則先埋近代之主於神理人情俱係未安鄙  
家則姑安於別室待六世祖祧盡後並為埋安而  
其間廢忌祭只行春秋正祭此先父老參酌禮經  
之意而抑或有知禮之家已行之例歟



已祧之主權奉一處避先父埋之嫌而又奉無主不  
祀之主控情未安於義不順又欲歲一祭如冬至立  
春之禮則本非始祖先祖而祭此一侯於神瀆矣於  
禮僭矣一從禮限祧埋恐當

因山前禁葬似當在近畿百里之地今八域之內  
以例停行者何歟

因山前禁葬一事 肅廟朝崔相國錫鼎啓勿禁葬  
埋紼承練祥待 國恤卒哭後行之意定式 上曰  
依野達載錄可也此等條件已出禮書今皆遵行  
喪人之遭 國恤者出八時著方笠歎或有代



以蔽陽子者抑有已例之可據歟

國恤時元無方筭禁令之文

因山前祖先忌祭亦當一體停行歟竊龜方丁外  
報而祖考忌辰在因山前情理實難虛度故欲遵  
家內已行之禮既不能出土書紙榜一款極爲未  
安不得已而設虛位行事素來蔑識毛玠罪立明  
賜開誨伏望

略設蔬果來示得之但不出主一事未知如何天子  
崩既殯而祭其祭也尸入三飯不侑醑不酢而已矣  
即按古禮已減品略設而其曰尸入則今之神主即



古之尸也雖曰略設既有時設則不出主無義鄙家  
亦有因山前忌辰而略設飯羹出主則依前舉行無  
祝奠獻未知如何

答朴甥耆鶴問目

五代祖乃不遷之位則四代祖雖未代盡安別室  
云二

四代親未盡而遷安別室殊極未安既為最尊已作  
不遷之位而嫌於五龕遷於別室為可曰不遷之宗  
耶世之奉五龕者即於一廟之中煞有分別此可謂  
不得已之便宜耶



殤喪皆降一等殤於長者喪亦遞減否正寒問答  
禮曾問目曰童子有不杖之文無不經之文云云  
殤服長者之爲童設也非童子之爲長者設也尊爲  
卑減宜矣卑爲尊減有耶不敢禮曰童子無經無經  
而又豈加免哉此蓋童子未成人故經義如此考  
之如何

有未終喪而身死其承重者接服於何時云云

後喪卒哭之翌日告殯受服自有先儒定說

祖父母改葬時總服嫡長孫爲之衆子孫吊服加

麻云云



此意甚善而葬後即除亦得之

葛庵曰虞記曰是月也吉祭猶未配註曰禫月行四時之祭猶未忍配祭未忘也又云禫月未配後月擇吉如小牢云亡蓋禫月不忍遽然合配且待後月別設祭奠如小牢饋食之禮奠畢合饋何如得之

父新葬時遷母合葬改葬當虞於墓所新葬這哭而虞先重後輕之義自有所碍云云

先重後輕之義出於並有喪同祭之地而云也今以改葬之虞在畢役之地返哭之虞在日中升堂之時



則時之先後自有其節既非同時安有先後輕重之嫌也

宗子之喪其父爲之主云云

父之爲子主喪人情之所不欲而家無二尊廟無二主天下之通義也

祖曾祖忌日從祖諸父舉哀而已以嫡孫主祭獨不舉哀可乎寒岡先生有在位者哭盡哀之說欲依此隨諸父舉哀則或有不哭於祖忌而越哭於曾祖忌恐似有碍

哭有爲已之哭又有爲人之哭如曾高之子女雖一



人若在世則奉祀之人雖曾玄孫當哭而行事或奉祀胄孫承顏其祖則雖遠忌日當哭而行祀奈何在位而或哭或不哭耶

父在母喪十一月練十三月祥十五月而禫則衰已除而喪在心止先賢或言父母之喪以二十七月爲限初忌之日不可除脫待其三月後自墓所哭而除之云云

緇笠緇帶之制豈待二十七月則非短喪也又無所壓也

與永川望亭諸宗



伏惟正憲公之墓所無傳偏奉妣位不知幾百年矣  
谷九祖歲一之祭尚不得行焉此子孫之慨然大凡  
爲事者先舉易行者行之則難者亦將舉行矣孔子  
云向墓爲壇以時祭退淫亦曰掃視墓域後紙榜合  
祭於齋舍無舍即設壇以行之設壇行祭古有是禮  
矣今正憲公墓雖失其傳妣位墳墓旣行歲祭則正  
憲公之壇設於左傍有如雙墳而合祭之左爲親坊  
以此意先告于妣位墓然後焚香迎神而紙榜設行  
於齋舍如退陶之意甚便又或直行於墓壇之前亦  
好惟其從野復未知如何共一卓合設則以旣設之



祭奠不費力而可免奉偏之憾而向所謂易行者先行即此之謂也泉谷公壇設不有別般鋪置則粹難舉行不可無一番合席爛熳以此下諒焉

谷檜淵講會疑問

張龍煥問古之欲明明德以下兩章不直曰明明德控天下而更著一古字何也

此古字與序文古之大學所以教人之古字一般者三代以後大學之道不行於天下故所以言古金台應問盛德峻德之別

盛德以功效所及處言峻德以全體言



明德新民莫不至於至善而明德傳終只言自明  
新民傳末方言用極何義

自明所以自新而此言自新仁民無所不用其極則  
自新之極便是自明之極也且於此拈極字以起止  
至善之傳耳

宋棋善問所惡於上章先後二字指何事

此有的喻焉今與人共行在前者不讓路於我而疾  
行於我則彼固無禮而可惡矣人之在我後者我亦  
當讓而不讓先行則烏在其惡於前乎

兩章俱言絜矩之道而上曰是以有下曰此之謂



何也

上言絜矩之本而引起其義下說絜矩之事而覆解其意

鄭世容問詩節南山以下他章則皆有總論結辭或有他意否

此章乃八条之終推得到廣大處故文亦展開不收與他有別且國與天下雖有大小之別而平天下即因治國之成法故不以他章例結之耳

崔憲穆問楚書以下言好惡之道者甚多而末乃以不能舉不能退爲言何也



此乃欲盡其好惡之道好善而不能舉惡仁而不能  
退則無以爲國故言之

答晴川請會問目

問不但性有本然氣質之兩稱而心亦有本然氣  
質之立論者云云

本然氣氣質心之說非但東儒宋儒亦有是說昔李  
孝述者朱門之高弟也其言曰氣之始有清無濁有  
義無惡濁者清之變也惡者義之變也余嘗讀是而  
不能無疑蓋氣者太極所生之兩儀也兩儀者陰陽  
也陰陽者清濁也清濁相湯熅義惡生焉義惡生焉萬



物不齊是知天地日月星辰造化之權都出於陰陽  
清濁而成男成女互相對待未有獨陽而無陰亦未  
有全清而無濁故化生萬物則陽之所生不能無陰  
陰之所生不能無陽在陰陽則互相爲根清濁相隨  
烏可曰有清無濁也在吾人則陽魂陰魄魄濁魂清  
烏可曰有清無濁也有清無濁者全不識陰陽者說  
也既不識陰陽烏可與論氣哉以一時未達之見發  
此率易之語使氣本然之說將欲對待於理本然之  
訓嗚呼理有本然之稱而氣無本然之語者何哉理  
只是太極之一理也而墮在千萬般氣質之中故別



其理而謂之本然之善本然者只是各具之太極耳也氣者兩儀對待清濁相隨元無獨行之陰陽又無獨成之清濁時謂本然者謂之清可乎謂之濁可乎張子言氣質性時只言理本然而不言氣本然者此也後來讀是書者只當篤信師說熟讀玩味猶不能盡窮前人之意况以一時之見剏立浮誇之語隱然欲擴前人之未發此是聖門之大禁也烏能做吾家之事業哉來示又有所大未安者氣質之心是也心字本氣質字而以其眾理應萬事故所以爲主宰於事物而有明德之稱有神明之號有天君之名若論



其氣質之性則心字自在其中矣又何指出氣質心之可言乎左右之言氣質心者五性未具之一塊血肉者是耶以性未具之氣質心者言之即與肝肺脾腎同爲五臟而已矣奈何言明德神明天君之義哉纔說氣質時心便在性外明矣夫心也性也與生俱生初不可以分言者也論本然性時心在本然中論氣質性時心在氣質中如此看去然後可以通程朱之意而亦不悖於諸經之訓義也所云程子所謂心本善朱子所謂心體本善此則論心於本然性中也朱子所謂心有善惡又謂吾之心不若聖入之心



此則論心於氣質性中也捨此性一字而復肯別有  
論心之地哉望須深思力究子細推研無至見笑於  
人幸甚

與呂俊元

承款多日伏惟至寒靜候動止衛重子舍工夫造詣  
非止科目忤賀萬萬祿癯衰日甚自憐且運祚不長  
數小諸親次第零落六代祖考長房無人將以今廿  
九日埋主追遠之感更無所施奈何奈何貴中於吾  
六代祖母即親黨也當此埋板之日不敢不告墳墓  
程道稍間故告由行祀將廿六日為計右日貴然千



萬千萬萬不宣

答李致曜有顯

荏苒光陰公道循環少者日富加勉老者隨日減鑠  
此其自然之勢也老者生涯無足可道而只念吾君  
時勉者何如僕所以憧憧不已獲拜惠存况審春府  
氣候康旺省下學履珍勝慰亡而三冬所得不能隨  
時隨聞只自臨風向遑祿八旬當前無一善為知舊  
可聞惠送各種逐年垂問不是偶然但禮相往來而  
無物奉報愧怍不宣式

海庵先生文集卷之三



海菴先生文集卷之四

雜著

四七問答

或曰性發爲情已有先儒之定論而是乃混淪說也  
若細分其苗脉則或失扞穿鑿牽合之病而四端之  
爲七情苗脉尤難證明奈何曰大抵前世之論性必  
曰仁義禮智論情必曰喜怒哀懼愛惡欲而統言之  
則曰性發爲情而未嘗說到情之苗脉之爲如何耳  
及至鄒夫子始得別發四性感發之初而分別言仁  
之端義之端禮之端智之端云爾則四性感發之端



於是焉明白端的矣若因此而擴充之於應事接物之間則當喜而喜而喜之無過不及矣當怒而怒而怒之無過不及矣乃時謂發而皆中節之和者是耳曰當喜而喜則這箇喜也已得其中矣當怒而怒則這箇怒也已得其中矣而今言當喜仁當怒義而又言無過不及者何哉曰當喜當怒固得其中而當喜之地亦有中不中焉當怒之地又有中不中焉如當七分喜而爲三分喜則不及矣十分喜則過中矣如當七分怒而爲三分怒則不及矣十分怒則過中矣是所謂中無定體者也曰論中則然矣自四端分爲



七情之脉絡可得聞歟曰四端者四德之苗脉七情者四端之條幹豈無貫通血脉之可尋退陶先生之答李剛而書曰怒與惡皆著惡之發其他七情似當各有其所自來之條目矣

見文集第十一卷

曰然則七情所自

來之條目今可一一言歟曰七情之於四端有貫貫者橫貫者夫所謂直貫者如李先生之言怒與惡之在羞惡愛與哀之於惻隱是也然怒與惡或自惻隱而轉了來者愛與哀或自羞惡而轉了來者縱橫錯行隨物隨變應接無窮又何分定條目如膠柱之不通也耶晦菴夫子嘗曰以七者分之惻隱羞惡兩



端亦可又曰七情不可分配四端蓋一分配則不免牽合之病大抵四端七情非無脉絡之可尋而若欲一一分配則無以見隨物隨感隨處變應之妙也活看然後可以盡感應無窮極之妙矣曰四端則純善七情則善惡何也曰七情之發雖自四端而來然自四端而轉了七情則七情之於性命稍間一髮矣故氣分數多於理分數而氣之用事愈強或干於耳目鼻口而不循義理則陷於不善矣又或干於耳目鼻口而不失其正則不害為善矣人或不究七情之所由者只見耳目鼻口之所以干而即以七情之



發專委於人欲者不亦謬乎曰感於耳目鼻口之私而發者非人欲耶曰夫觸於形而感於中者情也形者耳目鼻口也中者仁義禮智也七情所感每多耳目鼻口之所觸而未嘗不由於四端者朱夫子曰仁是桃仁杏仁到得萌芽却是惻隱又曰有是惻隱之心方是會動若無惻隱之心却不會動動底是惻隱而方有是羞惡恭敬是非也所謂生時有次序者也夫動底便是惻隱者天地生生之理未嘗休息故這些動底都是惻隱程子所謂滿腔子都是惻隱也以此推之則可見七情之發雖干於形氣者而未嘗不由於惻隱中流出來也但



于於形氣而不循義理者是吾輩所當猛省也曰七情之中節者可以言四端之所由來而其不中節者未必由於四端曰吾子不聞惡亦是性之說乎本然之性每行乎氣質之中故雖動之不以善者不可不謂之性也亦不可不謂之由於四端也曰四端亦情爾豈無中不中之可言也如羞惡其所不當羞惡是非其所不當是非者其非不中節者耶曰四端情也而既謂之端也則性之初端豈有中不中之可言耶只是繼之者善而已但羞惡其所不當羞惡是非其所不當是非者初非羞惡是非心之不中節也此誠



其人之知之不明識之不博故耳知之不明則不當  
羞惡處或生羞惡之心如婦人之羞惡識之不博則  
不當是非處或生是非之心如小兒之是非耳今觀  
其羞惡是非之失當乃反歸咎於羞惡是非之心而  
謂之不中節可乎孟子所謂非才之罪也者此之謂  
也且所謂四端者性發之初幾微之始故謂之端則  
何不中節之可目乎要當擴而充之而不失其性善  
本然之量而已也曰如當惻隱而過乎惻隱當恭敬  
而過乎恭敬此亦非不中節者邪曰吾子所謂過惻隱  
過恭敬者無奈臨喪過哀愛人溺愛禮人過恭之



類邪惻隱恭敬雖是善端而於其過不得中者已涉乎形氣而氣為之用事故以至乎過不中之弊矣審其惻隱恭敬發頭處則豈有中不中之可言耶只是油然而動於中而已且子曰好仁不好學其弊也愚又曰恭而無禮則勞以此謂仁禮有不中節可乎曰愚曰勞非仁與禮之本來所有之弊也弊出於不學無節之人而以至於愚勞則今乃舉此而謂之仁與禮之不中節可乎又曰按韓南塘記聞錄曰四端衍之為七情七情約之為四端同實而異名者也又其心性情圖曰理之乘清氣而發直遂本然之善而為四



端之善理之乘濁氣而發遂失本然之善而爲四端之惡此說如何曰前人說豈敢率爾妄論哉但以理推之則恐似未然朱子釋四端曰端者緒也因其情之發而性之本善可見蓋原孟子之意只不過發明性善之事而朱子釋之者只是推明性善之實今日乘清氣發者爲善乘濁氣發者爲惡然則乘清氣時知其端之善矣孟子之言性善是也乘濁氣時知其端之惡矣荀子之言性惡是也又兼清濁而言則揚子之言善惡混者是耶烏在其因其情而知其性善之意乘清乘濁之論有似乎決諸東方則東流決諸



西方則西流之意而殊失孟子立言之意何哉且衍  
之約之亡論未知接事物何等時付之也何等時約  
之也人情之有四端七情都在吾人行約之權則似  
欠天理自然之勢矣曰氣之溫厚者發而為惻隱而  
惻隱之失為姑息氣之宣著者發而為恭敬而恭敬  
之失為諂諛嚴肅者發而為著惡而著惡之失為殘  
暴虛明者發而為是非而是非之失為詐妄此惻隱  
羞惡恭敬是非之有善惡者也此說如何曰南塘氏  
此論恐似未安蓋性發為情而四端之原則理也今  
曰氣之溫厚者發而為惻隱云則惻隱之發非性之



發而只是氣之發邪理非氣不能發矣然惻隱羞惡之油然而內者可知其性之本善故曰乃若其情則善也今乃專言氣曰氣之溫厚嚴肅者發而為惻隱羞惡云者已是未善矣且惻隱羞惡之端亡於性命而彰著於外然後方可見溫厚嚴肅底氣像奈何以溫厚嚴肅之氣為惻隱羞惡之本也耶況野謂姑息諂諛殘暴詐妄等云者乃是七情之事而陷於不中節之病痛也今反謂之四端之失者尤極遠矣夫愛人不以德者或出於姑息喜人慕勢利者多出於諂諛殘暴出於怒之餘而詐妄出於懼之甚今不究四



端七情之面目而混淪無別以七情之或失於不善者都歸咎於四端純善處而曰有善失云者不為未安於孟子之本意耶

人心人欲辨

夫人心者生於形氣之私者也何以言私也以其形而言則長短妍媸美惡不同以其氣而言則剛柔虛實強弱不同既為人人之不同則各私其私非所以公共者也况其生於形氣之不同而尤有所不同焉者目之於色也五色各有所偏好耳之於聲也五聲各有其偏悅鼻之於臭也五臭各有所偏惡口之於



味也五味各有時偏嗜而此皆出於私之私者也時  
謂人欲之名於是而生焉不恤人之是非徒計自己  
之利害不揣人之利害徒計自己之甘苦人心所發  
每陷於人欲窟中禽獸之貶至是而出焉嗚呼人心  
云者初非不善者而迷於時欲故聖人所以力救之  
而克去之者也若無人欲陷溺之失不善之名從何  
而至哉然人欲每生於人心界內而相距不能以寸  
故聖人所戒尤爲嚴密即於人心上必著危字若不  
於此戒謹必陷於人欲之塹矣此其所以爲人心人  
欲之別也所以朱夫子答張欽夫書曰遺書有人心



私欲道心天理某疑私欲二字太重夫人心人欲煞有分數故曰太重盖夫子之不厭精不厭細不得不曰入心而未嘗欲其精而必在精未嘗欲其細而必在細元無期必固獲之意則豈可曰私欲乎

讀春秋

書曰神不享非禮神之所享固不可度患其不享非禮又烏可知也魯僖公三十一年夏四月四卜郊不從成公七年春王正月鼯鼠食郊牛角改卜牛鼯鼠又食其角夏五月不郊十年夏四月五卜郊不從夫郊者祭天之名禮享於郊而百神受職焉非天子不



可以郊魯之郊祀非禮也成王之賜伯禽之受皆非也仲尼所以歎周公之衰者是矣天其可欺乎四卜郊五卜郊而神即不應以至於鼯鼠之食其角則天不可欺固可知矣雖齊沐已潔玉帛已陳天固不享百神不應推此以觀三家之八佾雍撤神必不享矣或曰三家之祖禰亦嘗僭竊人矣平日僭竊之習豈不享子孫之雍撤邪曰不然生而僭竊形氣之私也其人已苑形氣已散只是原於天之理也舉此人事之非理者而欲求合乎天理之正者豈有是哉所以知三家之祖禰寧窮餓於溟漠必不肯享其非禮矣



胡氏傳曰民至愚而至神夫至愚而亦有至神之理歟愚莫愚者民而今曰至神云爾則非謂一民人之謂也凡謂之民者衆多之稱也民固蠢然無知者而其降衷秉彝之心固出於天而至神存焉故援一民而言之則固是愚也而舉萬民而言之則天心寓焉至神在焉是故萬民之所同好則其好之也必合乎天萬民之所同惡則其惡之也亦合乎天而雖聖人之所好惡不出乎此故傳曰民之所好亡之民之所惡惡之此豈一民人所好惡之謂哉天聰明自我民聰明正謂此也然為民上者每以愚待民而不以神



敬民秦皇焚書坑儒以愚黔首畢竟民不愚而自陷  
於愚傳萬之計終於二世民其可不敬乎仲尼曰使  
民如承大祭

胡氏傳曰春秋伸道不伸邪榮義不榮勢正已而無  
恤乎人以仁禮存心而不憂橫逆之至者也如胡氏  
者可謂深得聖人之旨意而王道之大端也若夫反  
於此而伸邪不伸道榮勢不榮義者其賢不肖要何  
如也董子所謂明其道正其義則道可伸而義可榮  
矣曰邪曰勢何自而干其間而橫逆亦何自而至哉  
夫義者公也而天下古今人之所同義之者也利者



私也而天下古今人之所同利之者也古今人之所  
同義也君子之所以得其公而三代之治如出一心  
古今人之所同利也小人之所以售其私而三代之  
亂如出一人如或繼今者其治亂安危復如今日矣  
此乃義利公私分於一念之間而君子之為君子小  
人之為小人古今無異矣胡氏引晉書王濟傳之言  
曰犯上干主其罪可赦乖忤貴臣禍在不測故臣子  
多不憚人主而畏權臣如漢谷永之徒豈攻成帝不  
以為嫌至若王氏則周旋相比而結為死黨人主不  
之覺此世亡之公患也嗚呼人主失柄生殺在下聰



明日蒞黨比日固天下之利之者則歸于權天下  
之惡之者則歸于人主春秋所以尊君抑臣以辨  
上下者每欲警人主於隱微之際者良以是也  
仲尼嘗曰志士仁人無求生以害仁有殺身以成仁  
朱子釋之曰當死而死則心安而德全蓋人當死而  
死則自然心安而德全故曰殺身成仁耳謹按魯襄  
公二十五年齊大夫崔杼弑其君光其時賈舉州綽  
等十人同死於君此當死而死者也若君死而臣不  
死則是當死而不死者也當死而不死者與當死而  
死者其賢不肖要何如哉然春秋只書莊公之見弑



而不書十人死難之事蓋樂成人之美者聖人之心也而今十人沒而不之書則其意必有所在矣夫為人臣而責難陳善不迷於道不苟從違無愧乎義者當其當死之難而如或求生則心不安而德不全故終至殺身而謂之成仁名垂竹帛光照後世宜矣曷不書諸策以褒其善耶如宋之孔父晉之荀息特書其官又著其名其成仁之美于亦至矣至若賈州等十人獨以勇力得幸不以道事君不以義正君而見嬖於君救不及君奄亡於難如此之死徒死而已豈有可成之仁哉生無一分仁於其身死從何處而得



仁以成也仁固在我之理生不失是理者方可言死  
而成是仁矣如使行已無可稱之仁而滅天理於本  
原之地事君無可稱之忠而縱私欲於嬖寵之日一  
朝國亂身斃此輩當死而生不足責當死而死不足  
稱聖人用意於此可見爲人臣者可不謹於未死之  
前耶

讀左氏

正考父

夫器有大小大者其量深厚故減一分不知其損加  
一分不知其盈如河海之類是也小者其量淺陋故



加一分輒見其溢減一分輒見其縮如斗筭之類是也器之在人莫大於聖人之量虞舜以一匹鬴位有萬乘之貴祿有四海之富若將固有而不變塞焉富貴窮達一般是心而恭已安仁與天地同其大雖盡輸天下之物不能適其量而盈其器矣至若下聖人一等者而處乎崇高富貴之地則易有盈溢之患而不為斗筭者鮮矣是故知道者每多貶損得一分則貶一分加一寸則損一寸務以謙恭不欲上人為能免夫泛濫之患而安其身於衆人之上易野謂謙受益者是也昔有正考父者其行已也滋益恭一命而



僂身命而偃三命而俯位加一等則志損一等以至  
於俯可謂能得永終之理而爲享遐福者也如或纔  
差放過一息有誤則其器已盈必致其溢矣吳王夫  
差志在報國貶損其德食不二味居不重席室不崇  
壇器不彫鏤親迎孤寡熟食必分勸恤其民與之勞  
逸及其敗楚克越器量滿足志氣充飫次有臺榭陂  
池之侈宿有妃嬙媵衛之娛玩好必從珍異是聚一  
日之行所欲必成烏得免夫泛濫之患哉嘻天之不  
可誣者固如是矣以其一人之身謙而取益於前滿  
而取損於後如影響桴鼓之捷吾人禍祿之機豈在



乎用心之如何耳聖人器量縱不可以學致正考之  
滋益恭則有爲者亦若是矣

子產

鄭子產濟人於溱洧孟子曰惠而不知爲政每人悅  
之日亦不足余嘗受讀意謂子產者只是溫厚慈惠  
之人而至於爲國治體或未免略之矣近讀左氏傳  
魯襄公三十一年鄭人游於鄉校然明惡其人之謗  
議朝政謂子產毀鄉校如何子產曰夫人朝夕退而  
游焉以義執政其時善者吾則行之其所惡者吾則  
改之是吾師也若之何毀之我聞忠善以損惡不聞



作威以防惡昭公十三年晉合諸侯於平丘子產爭

承

爭貢次賦之等

昔天子班貢輕重以列亡尊貢重周之制

也鄭伯男也使從公侯之貢懼不給也敢以爲請自

日中以爭至於會晉人許之十六年晉使韓起聘于

鄭韓起曾有玉環而其一在鄭商韓起請鄭定公子

產不與曰非官府之守器也寡君不知韓起買諸賈

人謂子產曰日起請玉環執政不義不敢復也今買

諸商人商人曰必以聞敢以爲請子產對曰昔我先

君桓公與商人皆出自周斬其蓬蒿而共處之世有

盟誓以相信也甬無我叛我無強買甬有寶賄我勿



與知恃此質誓至今相保今吾子以好來辱而謂敝  
邑強奪商人是教敝邑背盟誓母乃不可乎吾子得  
玉而失諸侯必不為也韓子辭玉曰起不敏敢求玉  
以徼二罪敢辭之及其歸也私覲子產以玉與焉曰  
子命起舍夫玉是賜我玉而免吾死也敢不籍手以  
拜嗚呼人豈易論哉勿毀鄉校曰善則行之惡則改  
之是吾師也子產之於修己之方可謂得矣平丘之  
會日終爭承以除國難子產之於為國可謂識事體  
矣韓起之來不許商玉規箴諸類動人良心謝之以  
舍玉得王之語反致籍手之拜子產之愛人也可謂



忠矣脩己也為國也愛人也各適其美而辭命之間  
忠厚款曲溢於辭表正直強毅卓然有立夫子所謂  
恭寬信敏惠者可謂備矣所以夫子許之曰人謂子  
產不仁吾不信也烏可曰略於為國治體也徒枉之  
未成或闕於政令之一事也濟人於溱洧或欠於慈  
人之瑣屑也所以不免聖之譏也然則夫子之許  
舉大體而言之也亞聖之譏斥一事而論之也愚之  
所云二幾誤前人之實德矣不勝敬懼序其事而  
記之

讀宋史



夫君者體天德而代天功者也體天德則生之理得  
矣代天功則生之德行矣得天之理行天之政則君  
上之職於是焉得矣天之付托於是焉得矣竊伏念  
粵自上世至于秦漢唐宋治亂不一而初非天之使  
然也實係乎人君之體與不體而已余讀宋史太祖  
高皇帝使曹彬伐唐戒之曰切勿暴掠生民務廣威  
信使自歸順不復急擊也及其捷至羣臣稱賀帝爲  
之立曰宇縣分割民受其禍攻城之際必有橫罹鋒  
刃者實可哀也命出十萬米賑恤之在戲如宋太祖  
可謂體天德而代天功者也天以好生之德又能殺



物其所殺物非終殺之也欲其生之耳太祖之命伐唐非欲用武也所以戎曹彬曰務廣威信使自歸順及其捷至之日惻隱之心尤切於橫羅之民而泣然焉之涕泣則大禹下車之淚前後一心而乃所謂體天好生之德也德有好生故簡在帝心而拔之於草昧之中代而理之恤而愛之上帝之付托可謂得人矣

讀朱子太極說

此太極說余之平生心服而愛玩焉謹書本文時出朗讀而私記其說



動靜無端陰陽無始天道也始於陽成於陰本於靜  
流於動者人道也然陽復本於陰靜復根於動其動  
靜亦無端其陰陽亦無始則人蓋未始離乎天而天  
亦未始離乎人也

元亨誠之通動也利貞誠之復靜也元者動之端也  
本乎靜貞者靜之質也著乎動一動一靜循環無窮  
而貞也者萬物之所以成始而成終者也故人雖不  
能不動而立人之極者必主乎靜惟主乎靜則其著  
乎動也無不中節而不失其本然之靜矣

靜者性之所以立也動者命之所以行也然其實則



靜亦動之息爾故一動一靜皆命之行而行乎動靜者乃性之真也故曰天命之謂性

情之未發者性也是乃所謂中也天下之大本也性之已發者情也其皆中節則所謂和也天下之達道也皆天理之自然也妙性情之德者心也所以致中和立大本行達道者也天理之主宰也

靜而無不該者性之時以為中也寂然不動者也動而無不中者情之發而得其正也感而遂通者也靜而常覺動而常止者心之妙也寂而感亡而寂者也已上五條乃朱子之訓反復支分無有餘蘊



而太極之旨洞然指諸掌也

讀朱子跋黃仲本朋友說

謹按黃仲本所謂朋友說者雖不得其全篇而見之  
姑以著於朱子所跋之語而攷之其曰五倫惟父子  
兄弟爲天屬而夫婦君臣一出於情勢之偶合而至  
於朋友聖人強而附于四者之間也然則父子兄弟  
以下三倫皆以人爲之所可湊合不可以天倫論者  
耶大抵原其所生者而言夫婦君臣朋友皆人生以  
後事也黃氏之言無足怪也但不識人生以後天反在  
人之義也夫以在人之天理而攷之非夫婦無以



續父子之天矣非君臣無以統父子之天矣非朋友  
無以明夫婦君臣父子之天矣人既出於天而天又  
在人則自吾在人之天而明其倫者是為五倫耳五  
倫豈非同出於天者耶獨恨夫在人不能明倫理故  
遂以情勢之偶合目之又曰聖人強附於四者之間  
噫夫婦雖異姓之合而夫唱婦和皆天也君臣雖風  
雲之會而君義臣忠皆天也朋友雖四海之交而志  
同意合皆天也聖人盱謂天叙天秩五教五敦正謂  
此也但以世俗觀之君臣夫婦或相牽聯比合不至  
壞盡至於朋友則海內泛愛之間未有一定如君臣



夫婦故其誼有踈未有先施之義而較計之心生焉  
未有相長之益而疑忌之心生焉或激之爲秦楚之  
肥瘠鄉無善俗世無管鮑其故何在世降俗渝人不  
以道義相規世或以勢利相接既無知己之君子又  
無知心之良友孟子曰前聖後聖其揆一也一揆者  
何也道義也舜之諸馮文王之岐山地之相距歲之  
相後不知其幾千萬而謂之一揆况並世而生會之  
以文親之以義豈無知己知心之友哉五倫莫不賴  
是而明人紀莫不賴是而立是所謂道之文也乃謂  
之聖人強而附于四者之間黃氏之不識道義良可



歎也

讀中庸或問

按中庸或問曰當未發之時但有能知覺者而未有所知覺也以爲坤卦純陰而不能無陽則可便以復之一陽已動爲譬則未也此是朱夫子晚年定論而游氏誠之以寂然無思萬善未發爲無極以此心昭然靈源未昧爲太極有若太極便爲無極外一物矣如坤卦純陰不能無陽未發之時未有所知覺者豈無能知覺者乎寂然無思時未有所思而豈無能思者乎萬善未發時未有所善而豈無能善者乎無極



家語先生文集卷之四 一八  
太極元不可分二而今於未發時心體強爲之分而  
二之極是未安游氏之說病後世者多矣

讀東萊呂氏書

夫所謂學之事如何自是爲人之方也爲其父兄者  
宜爲勸勉之不已矣爲其士子者宜自勉強之不暇  
矣余嘗怪夫用意實學者從古鮮矣昔呂伯恭在金  
華元然獨學無與講論心甚悶憂抵書朱子曰問巷  
士子開舉業一路以致其來却就中間擇美質者告  
語之近亦向此者多矣蓋得天下英才而教育之君  
子所樂無人告語兀兀孤立君子所憂伯恭開舉業



一路以誘之未免誑人常示無誑教幼之法也而欲其來而誑之彼之新進者誠信無疑於吾之告語耶如不肯信無益於彼而反爲吾之狼貝大笑或有能勉強姑從畢竟半塗貽笑四方多矣伯恭急於樂育自失道理誠可惜也朱子告之以釋氏之先以欲句卒後令入佛智之語誘之舉禁以致其來則是未免先以欲句牽之意也彼佛者之事本非天理雖先欲句牽無愧其本事矣如以堂上聖人之道而令人入頭處先以舉業之欲句之縱使成就必不免伯者之術而去王道遠矣枉尋直尺豈聖門之所可教者耶



嗚呼元然獨學絜仁孤立非但自惜其無可琢磨之  
益以羣聖賢苦心垂誠爲後輩眷仁者其將無以告  
語而身與道與草木同腐則伯恭憂悶無或咍也而  
吾聞正已而物正未聞枉已而直人者也

### 論陸象山學

陸學之病禪朱子已有說矣余觀俗儒專不識子靜  
之學又不知子靜之好處而徒刮先儒已斥之非此  
豈論人原情處實之事哉朱子答劉子澄書曰語意  
圓轉渾浩無凝滯處亦是渠時得效驗又曰子靜一  
味是禪却無許多功利術數目下收歛得學者身心



不為無力蓋如此種亡好處不為無之但學問不備  
偏於尊德性一事而更無道問學一節工夫故同歸  
有體無用之學而卒陷於荏弱氣色不自知其非可  
勝嘆哉大抵聖人為學宗旨只是格致誠正數節目  
而已而尊德性是誠正之事道問學是格致之事而  
元不可偏廢者子靜急於成就私自主張偏於一隅  
以失於此然揆其好處則收斂身心最管於學者事  
而功利術數則無之亦可謂德性中善人至若呂子  
約之史學則功利主之山移河決變怪百端賤王尊  
伯天壤易處初無賢聖一点氣像徒看成敗勢頭枉



尋直尺全喪仁義陷於管商未有反本窮源之意此  
皆賊仁害義之魁而無人以正者嗚呼天下之人學  
子靜則入於老佛學子約則入於管商管商則於俗  
最近老佛則於儒甚似甚似故人多襲仁最近故人  
多曉仁惟其記誦詞章之學最近於儒者事葉故魯  
未有能聲言顯斥如二家之非而姑以置之吾林中  
一邊究其所爲非黑非白只爲無名之末一弊而遺  
失正學荒廢仁義則實與二家無異然則如之何其  
可也學子靜之尊德性而資之以道問學則自無偏  
廢之患而禪自遠矣學子約之治史而生之以經術



則貴王賤伯聖學可明而俗儒記誦詞章之學元無自立門戶而悠泛於二家之間者也苟使二家而歸正則自無支流之疥癬而天下一統王道復行矣  
常變通攷疑義

前後室並配

問前後室三神主共安一櫝否主人後出則前後坐次何如退溪曰朱子曰繼室亦禮聘當並配未知共一櫝或異櫝耳坐次不可以所出先后有改易○南溪曰朱子言適母無先後皆當並祔恐不可創為異櫝之制也○明齋曰合祭與合葬不同以朱子所論



揆之一櫝四主未爲不可○大山曰三合櫝古無其制只以元妣合櫝繼妣別以一櫝設椅並享退陶已有其說後來先輩皆用此制然今俗多用三合之制惟在商量處之若作三合櫝位次恐當以考西妣東爲序不必用考中妣左右之制耳○愚按合櫝有朱子之訓不須歧異祭禮之單設合設各有家家之異合設之家則雖三四合於義未有未安單設之家則考妣各櫝奉之於一龕之內有同室異宮之義又無忌祭時出主奉納之未安寒岡各櫝同龕之式似便

附皆西向



退溪曰龕小難設正如所論嘗反復籌度未得其宜  
不如寬作龕室令其可容西向之設及其設酒果時  
出寘東壁下行之庶或可矣○大山曰龕室不甚寬  
廣而所附之位衆多則難於盡附或於東壁下別附  
亦不得不然○愚按附位衆多而東壁下別附則所  
附之昭穆無別有若院廟追配從享之嫌不若寬作  
龕室以別昭穆及其行禮設位於東壁下如退陶說

無祖廟權附禰廟

柳東巖曰曾子問疏諸父無後祭之當於宗子魯祖  
之廟若宗子是士無曾祖廟爲墀祭之據此則旁親



之無祖者恐當祭之別室○愚按無後而上無所祔  
下無所繼而只以旁親私情祭之非正禮也是故所  
祔之祖廟通則通之埋則埋之不可以旁親之私留  
祭之况元無可祔之祖廟者乎疏之言塋祭未必得  
禮之正也况別室乎

奉祀者喪內先世贈爵

大山曰君命久宿極涉未安然三年內節次難便世  
俗多有行之於喪畢之後者今不敢妄爲之說以當  
從俗○愚按以奉祀者喪中而又宿君命於三年之  
內者於禮可乎古人以墨縗入廟行常事者有之况



君恩已及祖廟者乎世俗雖有待喪畢之後者不可取以爲法

簡便行冠禮之儀

丘儀按鄭氏家儀有或因事故倉卒簡便行禮之儀別爲儀節云○愚按夫所謂簡便行禮者如曾子問冠者至揖讓而入聞齊衰大功之喪如之何孔子曰內喪則廢外喪則冠而不醴徹奠而掃即位而哭如冠者未至廢註冠者賓及贅者內謂大門之內外謂大門之外也當此而有門外之喪不得已行禮而徹奠掃地這般曲折便是簡便行禮而臨事經權合



宜之道也今欲別立簡便條目旡有事之前是則以簡便爲禮者也無或近於以薄爲其道者耶

嫡孫持重在喪而亡次孫代服與否

古今諸儒之說各陳已見紛紜莫定以愚見言之焉  
庵之言次孫雖攝祀只當仍服菴小祥後以素服主饋奠等事以示攝祀之意云者精切的當

承重庶子以其第二子主母喪服

問解續喪雖賤不可無主其父雖存既非主人第二子似當服承重之服○愚按其父旣爲承重則旡其所生母宜以庶母服之而又以第二子爲其母承重



服則只不免徇情行私之嫌也况妾母元無可承之重者乎

承重庶子不改外祖

問庶子承重者外祖以其母之父為宜或云既承嫡則當以嫡母之父為外祖是否則明齋曰小記為君母後者君母卒則不為君母黨服昔市南引此文以為承重妾子不當改外祖之證○愚按禮云君母在則為君母黨服君母卒則不為君母黨服所謂從服者然矣若在承重庶子則如繼子之為所後親也當君母之外祖以承其緒焉用還系所出庶母之外祖以



亂其承重母之所出哉

親母無黨不服繼母黨

宋庾蔚之謂母亡禮應服其母黨不限繼母之黨不  
可以母黨之先已滅亡服繼母之黨若服繼母之黨  
則亂於已母之出也○愚按若親母有黨而又服繼  
母之黨則恐亂已母之出也親母曾無可服之黨而  
又不服繼母之黨是無外黨人矣且或繼母在而服  
其黨則子以爲非親母之黨而不服可乎繼母之既  
出兄弟皆服外黨而獨以非已母之黨而不服之又  
已母之黨元無可服之人而不服之則爲嫌二統而



反爲無統人矣其可乎禮有從服故或有無服而有服者此之謂也

本生母黨爲出繼外孫

東巖問爲本生母黨服儀禮無明文至開元禮始據鄭氏外親無具統之說而爲降一等之制此則然矣而本生母黨爲出繼孫服各有商量蓋外孫則有二統之嫌故爲本生母黨不得已降一等而其外黨則無此嫌恐當用異姓無出入降之說及子雖不服外祖外祖猶爲服之說

此爲出妻之子而言然爲人後者似可旁照故云耳

而服

本服未知如何大山曰說得有意義恐此外不得有



海庵先生文集卷之四 二十五  
異議也○愚按大山說義埋甚精經曰繼服無出入  
降其義何謂也蓋出入之事出於其人之本宗事非  
外黨人所可干也故外黨之義自若不可以出入有  
所加損所以有此訓也

父喪中祖亡母亡服制同異之辨

南溪曰云亡姑依沙溪說無論父之未殯已殯祖父  
死則適孫皆當代父服重大抵父死葬前全用象生  
之禮實出於不忍變在之義然祖喪不可無主也祖  
統不可不承也祖重不可不傳也就其全用象生之  
中代父承重繼行其父未行之喪禮此乃尊祖重統



之大義也。祖重所歷父恩，或掩初非，忽於變在而然也。明齋曰：所論極其明備，不勝欽服。鄙人平日之見，正亦如此。嘗以為通典此說，決不可從，但不能說出如來教耳。○父歿後，祖父母承重及父歿後為母三年，乃經文也。後來疏說及通典有象生之說，愚意承重及為母三年，重象生輕欲從經文。舍後來諸說如何？○大山曰：後喪既在先喪未殮殯之前，則承重服斬於不忍死親之義，似為未安。○愚按：承重三年，古今通喪，不忍死親，乃孝子所以處心者。孝子之處心，可屈天下之通喪難屈。沙溪南溪明齋諸說如是昭



明而大山又爲存疑未可知也

心喪中妻服持喪之節

大山曰以斬衰之重制而旣葬之服與齊衰等旣練之服與大功等故兩包兼服之今母喪在心制則已無服矣而常服用黻恐或未安否竊意居家常服妻喪之服有出入則著緇笠而服朞之帶似近於包特之義一士人心喪中遭妻喪出入之時著心喪之服問之曰緇笠緇帶雖異於衰麻而亦是父母喪妻父之服不敢以妻服易之也惟出入妻殯時服其服耳蓋以人子至痛在心不敢以他服參錯也○愚按以



輕包重間傳語也以包特而言只是暮大功總小功之謂也非以父母之喪比方於暮也頭著緇笠身帶暮表初無心喪之意而駭人耳目且心喪之哀表在緇笠緇帶不可以無服言之出入用黻有何未安於暮之喪耶父母之喪自盡其心而不駭瞻聆者似不若一士人之語耳

### 出母黨服

問鮮曰出母既服則出外祖父母亦亦有服明矣○愚按喪服傳出妻之子為母暮而為外祖母無服絕族無施以此觀之間鮮說似未及照管



為本生祖侍養服

問獨子出為大宗後取其仲子名以侍養而擬傳其祀及其喪後或為當服本生祖大功心喪終三年未知孰是明齋曰服大功而心喪者恐得疑主則禮無侍養祖孫之文勢當稱以季祖考而自稱從孫奉祀矣○顧齋曰禮庶母無子命已之妻子與父妾為後謂祖庶母死則為之服三年今出後於所生祖父母只服脊年之喪竊恐不可祖庶母非有所生之思而既為之後則禮許為之三年所生祖父母其恩不啻祖庶母又為之後則何得不為三年乎琴通伯家出



八時具淡衣方笠桐杖而旁題書以嗣孫寧海忠孝  
堂亦有此制而題主以叔祖從孫○愚按祖庶母三  
年非禮也豈可引而爲證耶雖本生祖父母元無繼  
統之昭穆則難以三年之制論也今以父命還本承  
祀則題主稱號不可不講定季祖叔祖之稱不得不  
然而但從孫之稱似不合以父命傳祀之意也豈以  
從孫而有繼代承祀之理哉琴通伯家稱嗣孫云者  
似合父命還宗之意也然則無扞禮之禮不得不參  
衆論而從其宜可矣既以父命還宗則不可以本生  
降服亡之也當還服暮年之制而小祥除服之後則



一依心喪服守殯宮而主其饋奠等事則可以著父命還宗之義也題主則稱叔祖嗣孫則上無二本之嫌下有傳祀之義依琴氏家儀而行之則庶乎禮中之得宜否但琴氏之方笠桐杖則似過矣

為師心喪

孔子之喪門人疑所服子貢曰昔夫子之喪顏淵若喪子而無服子路亦然請喪夫子若喪父而無服○孔子之喪二三子皆經而出其餘居則經出則否○程子曰師不可以立服當以情之厚薄事之大小處之如顏閔之於孔子雖斬衰三年可也其成已之功



與君父並其次各有淺深稱其情而已下至曲藝莫  
不有學有師豈可一槩制服○大學衍義補心喪者  
身無裘麻之服而心有哀戚之情三年之間不飲酒  
不食肉不銜肉時至而哀亡至而哭充二瞿亡慨然  
廓然無以具於倚廬之間几筵之下兆域之側也夫  
是之謂心喪○通典晉加具循為新禮弟子為師齊  
經三月摯虞駁曰仲尼聖師只吊服加麻心喪三年  
淺教之師暫學之徒不可皆為之服或有廢興悔吝  
生焉不宜定新禮無服如舊○愚按師弟子者以義  
合者也義有淺深豈他人所可制也今以心喪之服



乃為一定之制則天下之人必有以三月為薄者亦必有以三月為厚者豈有如此之心喪哉

朝夕奠

本註每日晨起主人以下皆服其服入就位尊長坐  
卑者立哭待者設盥櫛之具于靈牀側奉魂帛出就  
靈座○丘儀侍者入靈牀內布被安枕然後奉魂帛  
安牀上○愚按禮曰之死而致死之不仁也之死而  
致生之不知也是乃聖人制喪禮之本義也今乃朝  
而設盥櫛之具于靈牀側夕而布被安枕為如生之  
意至矣又奉魂帛於靈牀靈座之間是則有致生之



嫌聖人之意豈有是哉其或傳註者之過計也

謫中行朔奠

南溪曰謫中居喪如晦齋先生亦只朝夕設位哭而已但以朱子有兄弟異居者當行時祭之說推之雖在謫中設行朔祭恐不至害義○愚按朝夕設位是則只爲哀至則哭之義也若夫兄弟異居平常時事也謫居行祭非但有不以罪自處之嫌徙邊縵居之地非引祭先靈之所也謫中行祭恐不敢爲也

上食禁忌

問往來喪次不可參朝夕祭否南溪曰新舊喪喪不



同上會非時忌祭當齊之比則徃反喪次後祭上會  
恐無大妨○愚按上食之禮雖異於忌祭之致齊既  
虞而卒哭則神之也其在交神之道不可故犯不潔  
之事也徃來喪次于預凶事決不可入交神之地也  
主喪者在外攝拜賓

檀弓大夫之喪庶子不受吊○大山曰主人有故不  
在賓客委吊不可以無謝則次主人代之以謝恐無  
大害故鄙家用此例又曰父不在位則子謝賓攝行  
何害耶○愚按拜賓之禮非主喪之子不敢行也昔  
公子重耳遭父喪秦穆公吊重耳稽顙不拜以未為



後故不成拜也。今若主人有故不在而次主人皆行謝禮有僭分凌節之嫌。喪無二孤禮經大義也。受最之禮惟主喪者拜稽顙餘人哭踊而已。

### 后土祀無降神

大山曰后土無求諸陽之義故家禮無焚香而丘氏儀節有之。備要且從之。然鄙家亦不敢從未知如何。愚按今云后土無求諸陽之義以其分天地陰陽之意耳。神之格思不可度思。今欲求其神而無有方所故求諸陽求諸陰而所謂焚香降神者也。豈以后土而無求陽之義耶。若如是義祀天而無求諸陰之



義耶陽無獨陽陰無獨陰故求陰求陽無所不用其  
極聖人之至意也家禮后土無焚香之文儀節有之  
外祖父母神主屬稱

問祭父之外祖父母則改題將何以稱之耶或曰稱  
以外幾代祖或曰只書官封而識之何以則可南溪  
曰牛栗兩家皆稱以外幾代祖四世而埋主○愚嘗  
以此事心有所不安者矣永祿妻父母只有亡妻一  
人而妻母黃氏晚年乞嗣未幾年黃氏下世又未及  
朞而嗣子又殤惟亡妻一人又不幸短命其時出只  
有一子待其成立以奉其外祀此子又不免矣非無



他子非其所出故無義奉祀而其祀遂絕及至外孫  
之才以未見外曾孫奉祀之文而已矣今見有稱外  
幾代祖之文抑有據耶朱子論宋外祖無后之祭曰  
非族之祀按理既未安曷若訪其族親為之置後使  
之以時奉祀之為安便而又長哉蓋外孫奉祀出於  
勢不得已也而以至於外幾代祖云云則尤不可以  
禮義論也左傳曰神不歆非類民不祀非族奈何外  
幾世而至四世埋主耶恐不是朱子之意也

父祖偕葬題主之節

大山曰後喪在前喪未殯前則承重服斬其於不忍



苑親之義似未安題主一款襄禮時只書孫某奉施  
以待裕祀時更加孝字如何○愚按喪有前後以不  
忍苑親之義不即受服則已既受承重而至於題主  
只不書孝子有何加損於不忍死親之義邪

祝奉神主升車

備要韜籍續當於此時用之而家禮至反哭入就位  
然後始云續之可疑○愚按家禮至反哭入就位然  
後續之者飄忽四方而無所指的皇仁望仁如有求  
而未至故未敢續藏其面如有待至之意焉孝子之  
意到此而無所不用其極焉耳



廬墓行祔

寒岡曰祔祭難行於山所如欲廬墓待喪畢返魂而明日行祔未祔之前上食不可廢○愚按聖人立其中制使不肖者不敢不至使賢者不敢過所謂以禮制情者也夫廬墓非古也祔者古禮也周人行於來哭之翌日是不忍一日無歸之意也如或有不得已則退行於練翌日倣殷人之禮焉今之葬者魂不返室而或因往廬焉蓋究其心則但以不忍捨體魄於山谷無入之地而不思親靈之歸安故處又不思同祔先靈之所依夫廬墓者聖人所不言所不為而至



欲設虛位行祔事於山四廬居之耶則制禮詔後之意顧安在哉實為可嘆

### 絞帶

西厓田儀禮經傳卒哭受服圖以為絞帶虞後變麻服七升布為之練受服圖云絞帶未詳者是論受布之練時豈有何節云爾今既虞後無變至練乃行則絞帶即依此用布似合禮意○備要按圖式斬衰絞帶虞後變麻服布為之今無虞變練時腰經用葛則絞帶亦當用布○問喪服絞帶條疏云云斬齊之絞布兩帶自有分限其義甚嚴若以布帶揜絞帶則重



之中無雜齊表之義揆以周公制禮得不違悖耶備  
要服布之說雖錄於家禮小祥條小祥陳練服更無  
絞帶變服之言則練帶不用布即朱子之意也明齋  
曰說出分明極可幸○愚按斬齊之別只在麻與布  
而斬以麻齊以布各有隆殺之節斬則自斬而向吉  
麻用練麻是也齊則自齊而向吉布用練布是也今  
若斬變用布則齊變而用何物邪退溪曰旣以練爲  
冠武纓自當以漚麻爲之頭巾亦當用練是知麻之  
向吉也漚布之向吉也練若夫頭著練冠漚纓而腰  
帶布帶則一麻一布已爲駁俗而練祥之後斬齊無



別矣當以家禮爲定况儀禮註絞帶未詳云者邪

父在爲妻練之疑

具濟伯問喪服小記宗子母在爲妻禫註嫡子父在  
爲妻不杖朞不杖則不禫盖爲妻杖練祥禫者實具  
三年之體也不杖不禫者是厭屈而不成爲三年也  
不成則練祭一事亦當依杖禫之例有不得伸令此  
註說獨不及於練祀之當否何也此或出於言輕以  
見重之義歟若不杖不禫而只行練祀則是上不及  
三年下不及朞年未知如何南溪曰練祀之設以濟  
伯身上言之似不當行矣然賢胤已成人自行三年



喪恐非但行練禫亦可行矣○東岩問父在妻喪或  
云禮但云不禫而不言不練則禫固當廢而練不可  
不行或云禮中雖無不練之文而既言不禫則是輕  
以見重之意今若不杖不禫而獨行練祀則上不及  
於三年下不得爲暮年其不行練明矣二說孰是太  
山曰旣不許杖禫則不成三年之制十一月之練恐  
無義意當從乙說爲是○東巖又問近更惠之禮中  
旣無不練之文則設行練祭略具三年之體不杖不  
禫以示壓屈之意恐無妨大山曰尊近說似合情禮  
更考究使行禮之家不迷所從好矣○愚按壓屈者



天地之常經也加隆者孝子之私情也今欲加隆於  
當屈之地則大有嫌於尊父之義也不計不杖禫之  
義引行所不言之練為三年則不及矣為基年則過  
制矣恐未安

父之葬後行母練祥

大山曰久不葬練祭皆易月而此則恐或不然以廿  
九行練祀以後月行祥事如何○愚意若葬在旬前  
而又當可祭之日則廿九行祀不妨而若葬在望念  
則虞卒未畢何可行練祥之祭乎不必立制惟在量  
時之如何耳



練祥與先忌相值

問先行忌祀次行祥事南溪曰依公家行事例差早  
始事使後祭在質明之時無不可者○大山曰大小  
祥是大節主人方啼號罔極不可暇於他祀今人家  
或遇此以輕服子弟權行祖忌於別室蓋出於不得  
已也○愚按主人之啼號罔極不暇他祀則固然矣  
而祖忌不可以他祀言之也如南溪之言差早始事  
行祖忌於正寢質明行練祥於殯宮無害於禮若行  
祖忌於別室則大未安於尊祖之義恐不可行  
將行練祥禫遇大功以上喪



問辭續問父喪中遇妻喪殯於他所值父大祥主婦  
在殯祥祭似不可設行當俟葬妻後而月數若久禫  
祭不得行耶答曰雜記曰父母之祥將祭見弟死既  
殯而祭如同宮則雖臣妾葬而後祭以此說推之妻  
喪葬雖重於兄弟而殯既異宮則父喪祭可行雖禫  
亦可行之○愚按兄弟之喪殯既異宮則父喪可行  
而至於主婦之喪殯雖他殯似不可以異宮論也祥  
禫之祭俟其葬後未知如何

設次陳禫服

西厓曰冠旣用白則衣亦當隨其色綱巾亦以白布



疑得之。○南溪曰祥後網巾沙溪以為白黑鹿鬚雜造之然似駭俗恐亦依笠衣白細布為之。○愚嘗觀世之禪服人者舉皆黑鬚網巾心喪緇笠者亦然矣。緇笠者之鬚網從緇而用鬚或似然矣。缺

為出母禪不禪

通典晉賀循云出母服在校條杖者必居廬居廬者必禪。○吳徐整問出妻之子為母當有禪否射慈曰變制至室及禪如親子。○開元禮出妻之子為母禪。○愚按賀吳及開元禮皆為出母禪若有禪則亦有十一月之練耶無練則必無禪矣昔伯魚舂而猶哭



孔子曰甚矣伯魚遂除子思曰為某也妻則為白也  
母不為某也妻則不為白也母以此推之伯魚及白  
俱承家庭聖訓必有處出母之至義而行禪之禮無  
傳於世只有甚矣之責是未可知也

宗子無後叔父代奉則祧主還入祠堂否

問解宗子姪嫡孫承重則祧主以遷于最長旁矣嫡  
孫又姪無後而宗子之弟代奉其祀則祧主當還入  
祠堂耶或云已祧遷則不當復入如何答曰還奉無  
疑○愚按禮曰死者有退而無進故小殮於牖下大  
殮於阼殯於客位即遠於墓今以已祧之主而還



奉扞已出之廟無退有進大失禮意余觀近世有已祕而還于故廟者有既埋而復主還廟者是甚義理耶大有未安恐不當如是

親盡祖改葬服總當否

東巖問金士休家遷厝疑節不敢臆說然明齋尹氏以爲逮事五代祖者當服承重之服其言頗有據以此推之遷厝之禮當以喪禮處之宗子雖代盡爲之服總主葬恐或無妨如何大山曰五代祖承重之說不能無疑蓋禮小宗有四極扞繼高祖五代以上親盡扞上而宗易於下其可以逮事而逮有服斬之義



乎今引承服未的之旁證而引之於遷窆曰宗子當  
服總設有遷六七代以上之墓其主必以宗子而共  
服必以總乎①愚按朱子曰沈存中云高祖齊襄三  
月非特四世祖為然自四世以上凡逮事皆當服齊  
衰三月以此推之代盡祖遷窆時必見棺和而收拾  
體魄為之大小殮之禮者是何異於逮事者乎朱子  
言凡逮事者皆當服云爾則是無論支宗皆當總服  
而卒事之後則虞而除之未知如何○東巖問來教  
以主祧宗毀為不得承重之證然竊以為喪禮祭禮  
自是兩項事止程子曰若高祖之子尚存欲祭其父



則亦須計會於今日之宗子據此則恐不可捨宗子而支子主其喪如何大山曰喪禮祭禮通爲一義未嘗分爲兩項事也程子計會宗子蓋尊祖敬宗之餘義然代盡之祭不得不移奉於最長止或遇遷窆使宗子主之既窆而又還諸長旁則其主之或宗或支亦何據也畢竟有二主之嫌○愚按喪禮祭禮通爲一義當變喪則不得不分爲兩項蓋五代親盡於宗而遠奉於長旁常禮也遷窆已安之位改厝於別地變禮也當變禮而宗子主之重其統也當常禮而長旁主之親之也以外面看則一主之嫌無或然矣而



變常有異故各伸其義不害爲一義也

### 招魂葬

荀組曰末代所行豈禮也于寶以爲失形於彼穿塚  
於此亡者不可以假存無者獨可以僞有哉若旌遭  
禍之地備迎神之禮宗廟以安之哀敬以盡之○問  
解續曰招魂虛葬先儒非之題主則俟三月葬期擇  
日而題之於几遂似當○愚按荀組之言遭禍之地  
備迎神之禮此言可法當於其地立主題之皇皇望  
望歸而奉之虞而安之似合變禮何必俟三月葬期  
以歸其虞乎且云題主於几遂未立主之前有何几



遜之可據乎

喪中祭先之服

問鮮曰當用布直領布巾行此外無他可服墨衰是  
晉襄公伐秦之服而朱子時因爲俗制本非古禮○  
問只著孝巾似太簡明齋曰孝巾非冠也竝著方笠  
恐是○愚按墨衰只是居喪者權行之服宋時居喪  
者例著此服故朱子亦從俗而言也今之居喪者何  
不可著耶但孝巾非冠也太簡而方笠非行祭之  
冠若白笠則恐無妨

總論



問辭問忌日謂之諱日何義答曰忌是禁字之美舍  
恤而不及他事也諱是避字之義古語云如有不可  
諱註謂死也死者人之所不能避故云云也諱日之  
諱無奈出於此耶○愚按諱者忌也人之所忌莫如  
我之讐言也我之讐日故曰諱日也忌日也

設位

問辭問雜記云有事於尊可以及卑有事於卑不敢  
援尊據此夫人忌日不敢配祭府君似當答忌日並  
祭考妣雖非朱子意我朝諸賢嘗行之○栗谷曰祭  
兩位於心為安援尊之嫌恐不必避也○問辭續問



父若有前後室則前後母神主同出耶只出考與時  
祭之主耶曰並祭爲當○南溪曰未合櫛前不可並  
祭○鄧家用朱子寒岡式忌日只祭一位仲弟再娶  
有二子而歿其後二子成乾又當母艱於前妣之忌  
日喪畢將行忌祭姪兒問二妣之忌不幸同日不設  
考位而二妣合設無義考妣合祭又非吾家常禮此  
將何以處之耶余曰今所處不得不合設姪兒又問  
或考祭以妣合設妣祭考不並設此如何曰此是不  
敢以卑援尊之義世多如此然夫婦一體同室而食  
其爲尊卑豈與昭穆等哉不敢援尊初非夫婦之尊



卑也既用合設之禮似不可別其考妣之尊卑也

忌祭與正至朔望相值

問辭云若值高祖忌則忌祭畢而因行參禮曾祖以下忌則參禮畢而行忌祭乃先祭始祖之意也○愚按先重後輕不必拘此等虛照之若欲先參兩祭俱失時矣不若明齋之言先祭後參爲是

將祭遇喪

寒岡曰據禮則大功重服尙未成適值先祖諱辰雖至廢祭似不妨然在情旣未安則主祭一人執事一兩人權宜齊祭於別廟其餘則全聚護喪恐不得不



爾○愚按非但大功之重雖緦小功喪出扃門內則廢不得祭矣如喪出扃門外則雖大功之重主祭一人得祭於家然後身赴喪所似無妨

### 未葬前廢祭

愚伏曰未葬廢祭禮有明文但忌日既非吉祭且是喪餘之日似難虛過令子姪攝行似得○愚按未葬廢祭已有明文則雖喪餘不得不廢此不可以尊卑論也同宮雖臣妾葬而後祭亦禮也行祭恐未安

### 三年內遇先忌

三年內祖考妣忌祭雖子弟代行主人浹衣蓍稊席階



下俯伏以待祭畢若親忌則哭盡哀如何葛菴曰俯  
伏階下恐不合事宜若親忌則在廬次哭盡哀或可  
伸感時罔極之情耶○愚按廬次喪人之常處也遇  
親忌雖不行於廬次伸哀恐非不怠其身之義也身  
出廬外以待禮畢雖祖父母忌自當如是辭神後祭  
拜世多行之者恐未知如何

### 生辰祭

家禮集說親在生辰既有慶禮歿遇此日能不感慕  
如忌之祭可也○問云云至於生辰祭獨以爲非何  
也南溪曰人之生世也爲子孫喜慶其生日而養以



酒食固禮也及其下世也為子孫悲哀亡日而奠以饋食亦禮也若於死後猶以酒食追養其生辰恐於理有悖。○愚按天地之道二陰與陽也天下之禮二吉與凶也生則陽而其事吉入道也死則陰而其事凶神道也生則脩陽事故有生辰之名死則修陰事故有諱辰之名生辰也諱辰也陰陽已分幽明具路生不可修死之事死不可修生之事吉凶相襲禮家之所忌況其生也無別可乎余年十三失怙恃終身之痛無處可泄不敢稱生辰之禮及到甲年諱辰自倍悲痛而已略知死生幽明之事故也今見家禮集



說不覺神心愴感

墓祭時服色

寒岡曰體魄所安古有哭臨之禮所以有不忍吉服  
○問鮮曰僕有職時以紅衣品帶行祭而未知得禮  
與否○問墓祭服色寒岡云不忍吉服要訣云素服  
黑帶問鮮用紅衣品帶三先生野論各異當何準  
行歟明齋曰素服黑帶非吉服當準用要訣紅衣品  
帶恐似未安○愚按無官者用素服黑帶有官者用  
素服品帶未知如何

三年內墓祭



問三年之內先祀則無祝單獻喪祭則有祝備禮然則新山墓祀當有祝而獨廢於先山無未安否明齋曰墓前之祭與虞卒無異當三獻讀祝如儀與先祀不備禮之義自不同也若與先山同塋則有礙恐當從於先山無祝矣土神祭以無服者行之則亦當有祝矣○東岩曰虞卒哭喪之大節所宜備禮而至於墓土未乾之前哀省為主用常時祝辭大泛然三年之內墓祭只可比例於朔望奠一獻無祝而行之恐當○愚按明齋之言墓前之祭與虞卒哭無異恐不然墓祭只是瞻掃之奠而非為凶者安神之禮也豈



與虞卒比也三年之祭虞卒練祥之外雖殷設只是奠也豈可以祭稱也東巖之言比例於朔望奠單獻無祝甚當而但哭行一事似有闕焉孝子霜露之感不得不哭而行之乃可耳

### 新舊葬合墓亡祭

問鮮纘遭父喪合葬於母墳而同一床石四時墓祭以喪服祭之耶若父墳新而母墳舊則何服而祭之答曰所重在父以喪服行墓祭何妨若父先亡母從葬而在母服中則以布浣衣行祀無妨○愚按無論父先母先既在喪麻之中而行墓祭則孝子哀慼之



情何暇分別得父母之輕重一體喪服行哭盡哀之禮似可笑

子孫未葬先山墓祭當行與否

問子孫有大喪則葬前先代各廟墓祭皆停行否大山曰先輩言子孫喪柩所祭祖考爲曾孫以上親則未葬當廢墓祀云未知出柩古禮否○愚按子孫未葬自有曲折若使冑孫未葬勢不得不廢墓祭若冑孫六七寸異宮之未葬豈有並廢三四代墓祭乎

方喪成服

諸道大小使臣及外官聞計第六日成服俯伏哭盡



哀而行四拜禮○大山曰山野望哭與官府設位有異拜之無所伏哭行之似穩但世多有行拜者又未知如何也○愚按山野望哭與官府設位有異則固然矣而拜之無時則恐未然也既爲望哭則烏得無拜時耶望哭之地便是望拜之所且聞計哭時分賤者雖俯伏哭盡哀而無拜亦似無妨成服哭時則異於是受服而豈無四拜之禮哉

國恤中私家朔參俗節

栗谷曰卒哭前朔望參則非祭禮依喪禮行之何妨○族軒曰雖在國葬前正朔素薦從簡略行無乃當



情所不能已。○問卒哭前家廟朔望祭禮行之未安同春曰似然。○愚按忌祭俗節不得行禮而獨於朔望祭禮不變其常似未安又於正朔既欲素薦則廢之無妨如忌祭喪餘之辰也不忍虛度略設素饌恐不害理至若正朔朔祭自是吉時常事也當如同春之言廢之無妨

### 國恤中私家祭禮通論

愚按諸儒論說不一明齋曰忌祭則有官者可廢而無官者可行矣栗谷曰忌祭一年一度不忍翫然忌祭雖有官者恐不可全廢牛溪曰陵寢廢祭臣民獨



舉未安墓祭雖無官恐不可獨行葛菴曰忌日在  
成眼前決不可行也推此則忌雖喪餘而如旅軒之  
言當素薦然在成服前又不可行也

海庵先生文集卷之四



大慈宗經本

永甲

春中贈

甲午

歸朝散室問調養時半流中過而名中宅一

味韻李中京

勝數

大慈妹出歸

周補

與李景立

容

南遊贈

重古書妙靈函前式善明過審幾

大李士調

勝密

自除詰

大宋端却

天爐

大呂端翻

新奎

回甲贈

大冠孝登

轉米

雨中贈



